


窮怪錄
飛燕遺事
隋遺錄

趙飛燕外傳
漢雜事秘辛





窮

怪

錄

撰人不詳

中華書局

窮怪錄

此據龍威秘書本
排印初編各叢書
僅有此本

窮怪錄

茅崇邱

齊世祖永明十年丹陽郡民茅崇邱家。夜夜廚中有人語笑。復明燈火。有宴饌之聲。及開門視之。卽無所見。及閉門卽依然聞此。數旬忽有一道士詣崇邱。問曰。君家夜有妖患乎。崇邱曰。然。道士乃懷中取一符與之。謂崇邱曰。但釘於竈上及北壁。來日早視之。言訖遂失。其道士崇邱喜。乃以符如其言。明日見廚中有五六大鼠。各長二尺。無毛而色如朱。盡死於北壁。乃竟絕。

天女

後魏明帝正光二年夏六月。首陽山中有晚虹下。飲於溪泉。有樵人陽萬於嶺下見之。良久化爲女子。年十六七。異之。問不言。乃告浦津戍將宇文顥。取之以聞。明帝召入宮。幸未央宮視之。見其容貌姝美。問云。我天女也。暫降人間。帝欲逼幸而色甚難。復令左右擁抱。聲如鐘磬。化爲虹而上天。

射豬翁

辰州有射豬者。逐入石室。見老翁。問何故射吾豬。對以傷禾。翁卽呼一童責之曰。何不謹門令豬出。射豬者問翁是何人。童子答曰。此河上翁。帝使爲諸生講易。我卽王弼。受易未通。遂罰守門。